

兩浙名賢錄

兩浙名賢外錄卷之五目次

空空

唐二

師彥

僧紹

遂端

清觀

洪楚

明覺

解脫和尚

道齊

代病

守約

佛日

僧容

咸澤

鑑空

俱胝

從朗

全玳

惟靖

藏奩

子齊

重雲

慧稜

承清

光範

心鏡

道明

曇超

寰中

普岸

利蹤

陳尊宿

延昭

陳謙

楚南

宗徹

全宰

師靜

附小靜

常通

玄機

五代

文喜

道愆

師郁

靈照

令參

宗靖

文偃

師彙

子儀

虛受

可周

鴻楚

鴻莒

全清

辨此

道育

宗季

皓端

從禮

桂琛

文益

法瓌

惠明

德韶

志逢

慧明

永安

清昱

顯濟

道潛

清聳

本先

宗一

緣德

圓遠

寶達

蔣居士

得倫

延壽

晤恩

朋彥

行脩

文遂

義澄

幼璋

從瓌

紹巖

遇安

師簡

游道者

智勤

友蟾

全肯

曉榮

慶祥

行明

遇安

遇臻

義寂

王羅漢

行珩

彥求

目錄終

兩浙名賢外錄卷之五

東海徐象梅仲和氏誤

黃國葵齊宏謙終氏閩

空空

唐二 共四十八人

師彥

師彥，閩越人，姓許氏。自幼披緇，依年秉戒，精進勇猛。時稱法寶初禮巖頭，致問曰：「如何是本常理？」巖頭曰：「動也。」曰：「動時如何？」巖頭曰：「不是本常理。」彥沉思良久，巖頭曰：「

青卽未脫根塵不肯卽永沉生死彥卽領悟身心皎如
尋抵丹丘終日如懸四衆傾慕請住瑞岩統衆嚴整江
表稱之僧問頭上寶蓋現足下雲生時如何彥曰披枷
帶鎖漢曰頭上無寶蓋足下無雲生時如何彥曰猶有
杻在曰畢竟如何彥曰齋後因問作麼生商量卽得不
落階級彥曰挑不出曰爲什麼挑不出彥曰他從前無
階級曰未嘗居何位彥曰不坐普光殿曰還理化也
無彥曰名聞三界重何處不歸朝一日有村媪來作禮
師曰汝疾歸去救取數千物命媪勿忙至舍乃見兒媪

提竹器拾田螺歸。媪接取放處水滴。彥之異迹頗多。存諸別錄。

僧紹

僧紹不知氏族。初叅涌泉和尚。入室領旨。一日燒畚歸院。泉問去甚處來。紹曰燒畚來。泉曰火後事作麼生。紹曰鐵蛇鑽不入。泉許之後居台州六通院。玄侶依附。僧問承聞南方有一劍話如何。是一劍。紹曰不當鋒。曰頭落又作麼生。紹曰我道不當鋒。有什麼頭。其僧作禮而去。紹休夏入華頂峯。晦迹莫知所終。

遂端

遂端慈母人投師德潤寺日誦法華經至老不懈咸通十二年跌坐而化須臾口出青蓮花七朶芬芳異常空東山之下二十餘年冢屢發光衆開視之形質如生遂迎還寺漆室奉之號青蓮法華尊者

清觀

清觀字明中臨海人姓屈氏初生手足指間有慕蹠相屬佛經所謂網綬相也稍長神俊挺然有出塵之思遂投國清寺事元璋律師十八受具洞明三觀兼得深定

神異通感人莫我知。大中癸酉。注。表。荐。飢。辟。路。相。望。乃。罄。其。糧。食。以。施。餓。者。令。山。僧。物。外。度。荒。自。入。室。禪。定。謂。弟。子。曰。汝。如。不。死。至。禾。黍。熟。當。以。罄。引。我。出。果。如。其。言。明。歲。方。從。定。起。遠。近。瞻。禮。不。耐。煩。話。逃。往。華。屏。山。蘭。若。獨。居。後。以。無。疾。終。

洪楚

洪楚永嘉人。雲教寺祖師。初會昌中寺創廢。師戒行高峻。宗旨貫通。大願開。晝夜講誦經法。陸地忽生蓮花。每有靈蛇蟠。簾下聽法。刺史朱褒異之。聞於朝。有旨復置。

寺法輪後轉楚之力也

明覺 解脫和尚附

明覺。麗水人。住南明山。雪竇禪師頌之曰。三界無法。絳處求心。白雲爲蓋。流水作琴。一曲二曲。無人會用。過夜堂。秋水深。時有解脫和尚者。亦住南明。嘗月夜靜坐。依華嚴經入佛光定。感化佛出現。由是悟入三摩地。辯才無封。當時禪學之士。皆言法中義虎。南明有二。

道齊

道齊。姓趙氏。錢塘人。少爲諸生。年去出家。定水習毘尼。

法後住天竺修習禪定行柱多行冥坐石窟中猛虎毒
蛇皆爲馴伏時山椒乏水以錫杖刺地迸泉應手而出
用周香積四方義學請講華嚴經時雪深牛目忽生異
花二本狀若芙蓉熠燿之光映於講席四衆嗟歎見所
未見後卒於所住

代病

代病天台人七歲出家國清寺受戒法大曆元年登太
行遊霍山乃深入幽邃結茆而居嘗有盜入室忽見二
虎據路盜不敢出代病適歸盜叩頭陳悔代病乃摩娑

虎頭勅令縱盜。又有冥毒於酒者。賄貧女性施之。代病
已知。竟執杯一啜。而盡。俄酒氣及兩足。脛出地。爲墳裂。
聞者驚。惟以爲神。汾隰西河人有病。只給與淨水飲之。
必瘳。貞元中。跏趺示滅。

守約

守約。麗水人。誦法華經。有悟人稱之曰約。法華遍遊諸
方。叅決疑義。晚住天臺靈隱院。嘗夜歸守門行者。夢伽
藍神呼之。覺曰。佛歸。是關門約。適及門。寺僧咸異之。後
跏坐而化。

佛日

杭州佛日和尚不知何許人初游天台嘗曰如有人奪
得我機者卽我師矣尋抵於江西謁雲居膺和尚作禮
而問曰二龍爭珠誰是得者雲居曰卸却業身來相見
對曰業身已卸曰珠在什麼處師無對遂投誠入室禮
雲居爲師次叅夾山遂得無生之智後回住杭州佛日
而終

僧容

僧容未詳何許人初住貞溪後居處州廣利蘭若機鋒

峻利忝扣者多死於言下。僧問魯祖面壁意作麼生。容良久曰。還會麼。曰。不會。容曰。魯祖面壁。容一日謂衆曰。若到來廣利門下。須道得第一句。卽開一線道。與兄弟商量。時有僧出禮拜。容曰。將謂是異國船主。元來是此郡商人。後卒於住處。

咸澤

咸澤不知何許人。初忝保福。展和尚。保福問曰。汝名什麼。師曰。咸澤。保福曰。忽遇枯澗者如何。澤云。誰是枯澗者。保福曰。我是。澤曰。和尚莫謾人好。保福曰。却是汝謾。

我澤既承長慶印記後住靈隱山寶嚴道場玄素傾仰
大弘道法僧問如何是廣嚴家風澤云師子石前靈水
響難籠山上白猿啼後不測所終

鑑空

鑑空吳興人嘗舉秀才不第因游吳楚間元和初值錢
唐荒儉擬求餐於天竺寺至孤山西溪甚不前坐而雪
涕有一梵僧臨流而坐顧空笑曰法師秀才旅游滋味
足未空曰旅游滋味則已足矣法師之呼一何乖謬梵
僧曰子不憶講法華經於同德寺乎空曰生身已四十

五歲矣。盤桓吳楚間，未嘗涉淮泗。又何洛中之說。僧曰：子應爲飢火所燒，不暇計憶。故事：遊探囊出一棗，大如拳許，曰：此吾國所產，食之者上智知，過去未來事，下智止於知前生事耳。空飢極，食棗，糊泉飲之，忽欠伸枕石而寢。頃刻乃寤，憶講經於同德寺，宛如昨日。因增涕泣。問僧曰：震和尚安在？曰：專精未至，再爲蜀僧矣。今則斷攀緣也。神上人安在？曰：前願未滿，悟法師焉在？曰：豈不記香山石像前戲發大願乎？若不證無上菩提，必願作糾糾貴臣。昨聞已得大將軍矣。當時雲水五人，惟吾得

解脫獨汝爲凍餒之士也。空泣曰：某四十年來，日惟一餐，三十餘年，擁一衲，捉襟露肘，不完也。浮沉之事，決斷根源，何期漏薄。坐於飢凍，僧曰：由師子座上，廣說異端，使學空之人心生疑惑。戒珠曾煉，濁氣微存，聲渾響清，終不可致質。偃影曲報，應宜然。空曰：爲之奈何。僧曰：今日之事，吾無計矣。他生之事，當警於吾子焉。乃探鉢囊，取一鑑，背面皆瑩徹。謂空曰：要知貴賤之分，修對之期。佛法典替，吾道盛衰，宜一鑒焉。空照久之，謝曰：報應之事，榮枯之理，謹知之矣。僧收鑑入囊，遂挈而去。行十餘

步。荒。失。所。在。空。是。夕。投。靈。隱。寺。出。家。受。具。足。戒。後。周。遊。名。山。愈。高。苦。節。太。和。元。年。詣。洛。陽。遇。河。東。柳。理。親。話。其。事。理。甚。奇。之。空。曰。我。生。世。七。十。有。七。持。鉢。乞。食。尚。九。年。在。世。吾。捨。命。之。日。佛。法。其。衰。乎。理。詰。之。默。然。不。答。乃。索。筆。視。題。數。行。於。北。垣。而。去。曰。與。一。恒。沙。衰。一。恒。沙。兔。而。且。犬。而。擊。牛。虎。相。交。與。角。牙。寶。櫃。終。不。滅。其。華。

俱胝

俱胝。未。詳。其。名。氏。或。云。婺。州。金。華。人。初。住。庵。時。有。尼。名。實。際。到。庵。戴。笠。子。執。錫。遠。胝。三。匝。云。道。得。卽。拈。下。笠。子。

三問。胝皆無對。尼便去。胝曰。日勢稍晚。且留一宿。尼曰。道得卽宿。胝又無對。尼去後。胝歎曰。我雖處丈夫之形。而無丈夫之氣。擬奔庵。往諸方。叅叩其夜山神。告曰。不須離此。將有大菩薩來。爲和尚說法也。果旬日。天龍到庵。胝乃迎禮具陳前事。天龍豎一指。指示之。胝當下大悟。自此凡有叅學僧到。胝惟舉一指。別無提唱。有一童子於外。被人詰曰。和尚說何法要。童子豎起指頭。歸而舉示胝。胝以刀斷其指。童子叫喚走出。胝召一聲。童子回首。胝却豎起指頭。童子豁然領解。胝將願世謂衆曰。吾

得天龍一指頭禪。一生用不盡。言訖示滅。

從朗

從朗未詳何許人。得法於從諗禪師。住婺州木陳開筵講說。大鳴法鼓。有僧問。放鶴出籠。和雪去時如何。師曰。我道。一色因金剛倒。僧問。既是金剛不壞身。爲什麼倒。師敲禪床曰。行住坐卧。師將歸寂。有頌曰。三十年來住木陳。時中無一假。功成有人問我。西來意。展似眉毛。作麼生。言訖合掌而逝。

全記

全現餘杭人入徑山禮法濟大師求剃染稟質強澀力耐飢寒諸所忝求略得周徧晚於衡嶽中結茆以居木食澗飲紉軟草爲衣寒暑不易有以詩贈者云窠居更後有何人傳得如來法印真昨日祝融峯下見草衣便是雪山身別事詳南嶽高僧傳中

惟靖

惟靖吳門人年三十許入國寧寺巡僧房唱曰要人出家請留下至經藏院見二衆闍黎大德慧政便跪拜伸誠願容執侍政公許之遂與翦飾後於天台受具嘗昧

莫赴禪林寺。晨粥而多虎豹。隨到寺門。靖既入。虎卽羣
坐地上。若伺候然。靖出。復隨之。以去。遲明虎跡極多。靖
恐人知。鑿滅虎跡。俄患背疽。因睡。有鴉鳥糞於瘡所。非
久。全愈。又虞冰雪。備稅粒半斗許。置地窖中。每日以錢
合水煮食。過明用米常滿。不耗。靖乃築之。而云。吾被此
物。知非理也。卒年七十有三。

藏奘

藏奘。俗姓朱。華亭人。卅歲出家。弱冠。詣嵩嶽。受具。遊方
訪道。復謁五洩靈默大師。一言辯析。旨趣符合。會昌法

廢梵夾煨燼。奘手緝散。落實爲大藏。尋居鄆水之樸心寺。禪者雲會。詰難排縱之衆。攻堅索隱之士。一經指掌。皆立奉苦霧。坐泮堅冰。以咸通七年。生逝。謚曰心鑑大師。

子璿

子璿。秀州人。有道行。註華嚴經八十一卷。造精嚴寺講楞嚴經。自作疏。未作疏時。夢文殊入口。既畢。夢文殊出口。疏成。越爲之貴。後踟蹰而寂。以兩籠合之。葬真如寺。宋建炎初。金兀朮兵至。發之。見手爪。遶身復瘞之而去。

重雲

重雲諸暨人九歲出家。受具足戒。建寺於酥溪東岩。卓錫而坐。踰不至席者四十年。因名其岩曰睡魔。乾符二年。跌坐而化。肉身至今不壞。

慧稜

慧稜。鹽官人。年十三於蕪州通玄寺出家。遂叅靈雲。問如何是佛法大意。雲口。驢事未去。馬事到來。稜於是往雪峯。玄沙二十年間。坐破七箇蒲團。不明此事。一日捲簾。忽大悟。乃頌曰。也大差也。大差。捲起簾來。見天下有。

人間義解何宗枯起拂子學背打拳謂玄妙曰此子欲
去也沙曰未可此是意識著述更須勘過始得至晚衆
僧上堂問訊拳謂稜曰備頭陀未肯汝在實有證對舉
舉來稜又頌曰萬象之中獨露身惟人自肯乃相親昔
時謬向途中覓今日看來火裏冰拳乃領玄沙曰不可
更說是意識著述

永清

永清義烏人戒行孤高不事形骸衣粗食糲四十餘年
廣愛院乃其卓錫之所一旦兩肩有二童子顯示所居

清曰左肩屬陽右肩屬陰陽本乎天宜居內爲一寺之
主陰本乎地宜居外爲一方之神言訖不見清瞑目而
逝今院中護伽藍神與縣北百步之山王神卽二童子
光範

光範嘉興人童子時事靈祐禪師學通經律初居空王
寺更居靈光寺與義學數百人朝夕講讀嘗舉百流會
歸之說自吳南北郡邑縑衣咸來受法著釋會章句凡
十五卷

心鏡禪師

心鏡禪師。鄞人。得蘊空三昧。黃巢至栖心寺。師聞之。語
巢避去。獨坐禪牀。巢執刀問曰。和尚。爾見不眨眼殺人
的將軍麼。答曰。汝見不怕死的和尚麼。巢舉刀向師。師
以指麾之。刀落。禪牀之角如是者三。師大聲叱之。巢不
覺驚悸。師偈云。百萬貔貅入我家。老僧不悟。蘊空華揮
刀。三下禪牀角。只爲將軍眼見花。巢放刀。禮拜乞度。師
云。可往雪竇山度汝。巢既去。師曰。呆子好殺。不忌。嘗謂
須日月並明。見雪則止。今明州雪竇非彼死地。邪。巢果
至雪竇死。

道明

道明睦州人。生時紅光滿室。父母異之。長入開元寺爲僧。昇法於黃蘗。斷際禪師常自織草屨粥以養親。及施行路者。黃巢兵。屢境郡人。洵懼。明告以勿憂。乃爲大草屨。令標之。三十里外。木杪巢見之。卽舍去。自是郡人益尊禮之。或有參叩。隨問隨答。宋元符中。賜號悟空禪師。

曇超

曇超住玉泉寺。獨宿靈苑。諸山一定。累日虎兕不傷。俄龍化老人語曰。鹿山民鬻龍室。怒久不用。乞往誨之。師

命致水撫掌而玉泉出因往戒龍雨洽歲遂有秋

寰中

寰中生有異相母歿慮墓出家童子寺受心印於百丈禪師後居大慈山乏水夢神曰我遣童子泉來且見二虎爪跑泉涌嘗示衆云說得一丈不如行得一尺說得一尺不如行得一寸南泉趙州雪峯岩頭咸就問洪今稱其卓錫處曰祖師堂泉曰虎跑泉

普岸

普岸洪州人於百丈門下得旨後卓錫天台建平田禪

院而居之。學者雲集。隨機說法。有時謂衆曰。神光不昧。萬古常新。入此門來。莫存知解。又曰。大道虛曠。常一真心。善惡勿思。神清物表。隨緣飲啄。更復何爲。終於本住。賜額曰壽昌禪師。卽壽昌開山和尚也。

利蹤

利蹤。澧州人。姓周氏。幽州開元寺出家。依年受具。後入南泉之室。乃抵衡州之馬蹄山。結茆宴居。後遷子湖創院。一日上堂示衆曰。子湖有一隻狗。上取人頭。中取人心。下取人足。擬議卽喪身。失命僧問如何。是子湖一隻

狗師曰。嗥嗥。臨濟下二僧到。叅方揭簾。師曰。看狗。二僧
起。顧師歸。方丈師居子湖。說法四十五年。廣明中無疾
示滅。世壽八十有一。僧鵬六十有一。

陳尊宿

陳尊宿不知何許人。初居睦州龍興寺。晦迹藏用。製草
屨。密置道上。歲久人始知之。乃有陳草鞋之號。時有學
人叩激。隨問。遽答詞語。峻險。諸方推服。謂之陳尊宿。一
日晚。叅謂衆曰。汝等諸人未得箇人頭。須得箇人頭。若
得箇人頭。已後不辜負老僧。時有僧出禮拜曰。某甲終

不敢辜負和尚師曰。早是辜負了我也。師看經次。陳樵尚書問和尚看什麼經。師云。金剛經。尚書云。六朝翻譯。此當第幾譯。師舉起經云。一切有爲法。如夢幻泡影。有僧扣門。師云。作什麼。云。已事未明。乞師指示。師云。這裡只有棒。方開門。其僧擬問師便捫其口。後不知所終。

延昭

延昭。餘杭人。發迹越州。未臻堂裏。往叅南院。初見不禮拜。便問曰。入門須辨主。端的請師分。南院以左手拈麈尾。師喝。南院以右手拈麈尾。又喝。南院舉左手曰。這箇師。

從關梨又舉右手曰這箇又作麼生師曰瞻南院擬拈
拄杖次師曰作什麼奪拄杖打着老和尚莫言不道南
院曰三十年住持今日被黃面浙子上門羅織師曰和
尚大似持鉢不得詐言不飢自後應爲仰之懸記出世
聚徒南院法道由是大振一日上堂曰祖師心印此日
全提去卽印住住卽印破只如不去不住印卽是不印
卽是衆中還有道得者麼時有廬陂長老問曰學人有
鐵牛之機請師不搭印師曰慣釣鯨鯢澄巨浸却嗟蝸
步碾泥沙廬陂擬進語師以拂子驀口打乃曰記得前

語度盧陂曰。記得師曰。試舉看。盧陂欲開口。師又打一拂。便下座。

德謙

德謙未詳氏族。或云。即婺州人。受羅山印記。靡滯一隅。激揚玄旨。諸耆宿皆畏其敏捷。後學鮮敢當其鋒者。在婺州智者寺。居第一座。尋常不受淨水。主事僧問曰。因什麼不識觸淨水。不肯受。謙下床拈起淨瓶。曰。這箇是淨主事。無語。謙乃拍破淨瓶。自爾道聲遐播。衆請居明招山開法。四來禪者。盈於堂室。謙見新到僧。纒上法堂。

乃舉起拂子却擲下其僧珍重便下去謙曰作家作家
謙嘗有頌示衆曰明招一拍和人稀此是真宗上妙機
石火瞥然何處去朝生鳳子合應知謙住明招四十載
語句流布諸方將欲遷化其夜展足問侍者曰昔釋迦
如來展開雙足放百寶光明汝道吾今放多少侍者曰
昔日雀林今日和尚謙以手拂眉曰莫辜負麼又說偈
曰。舊刀藁裏逞全威。汝等應當好護持。火裏鐵牛生犢
子。臨岐誰解奏吾機。偈畢安坐寂然長往。

楚南

楚南閩中人姓張氏弱冠出家詣五臺具戒。雖精研法
義而未了玄機。往本黃蘗。黃蘗問曰：子未現三界影像
時如何。南曰：卽今非有。藥曰：有無且置。卽今如何。南曰：
非今古。藥曰：吾之法眼已在汝躬。晚住杭州千頃山慈
雲院。振黃蘗玄風。一日上堂曰：諸子設使解得三世佛
教如瓶瀉水。及得百千三昧。不如一念修無漏道。免被
人天因果繁絆。時有僧問：無漏道如何修。南曰：未有聞
藥時。體取曰：未有某甲時。誰人體。南曰：體者亦無。唐昭
宗聞其道化。嘗賜鹿胎衣五事。南受而不服。或問之曰：

鹿旣非宜胎尤不忍一旦雙虹貫日辭衆坐脫後亂兵
髮塔爪髮俱長俱讚歎作禮揜而後去

宗微

宗微吳興吳氏子幼歲出家依年受具往叅黃蘗一見
以爲法器許入室領旨後居杭州羅漢院化徒三百僧
問如何是西來意師曰骨剉也師對機多用此語故時
人因號爲骨剉和尚未幾遷化塔於大慈山塢

全宰

全宰錢塘人孩抱之間不喜葷血長從徑山法濟大師

湖染及修禪觀亭亭高聳不辨風塵又得石霜印證密
加保任入天台山間岩卓錫以居岩多魑魅木惟藜萃
其間宰居二十餘年惡鳥革音山精讓窟出入經行鬼
神執役後於鎮國院坐脫

師靜 小靜附

師靜不知何許人始遇玄沙示衆云汝諸人但能一生
如喪考妣吾保汝究得徹去靜乃躡前語而問曰只如
教中不得以所知心測度如來無上知見又作麼生玄
沙曰汝道究得徹底所知心還測度得及否靜從此信

入後居天台三十餘年，足不下山，博綜三學，操行孤直，禪寂之餘，常閱龍藏，時謂大靜上座。嘗有僧問曰：弟子每當夜坐，心念紛飛，未明攝伏之方，願垂示誨。靜曰：如或夜閑安坐，心念紛飛，却將紛飛之心，以究紛飛之處，究之無處，則紛飛之念何存？返究究心，則能究之心安在？又能照之智本空，所緣之境亦寂寂，而非寂者，蓋無能寂之人也。照而非照者，蓋無所照之境也。境智俱寂，心慮安然，外不尋枝，內不住定，二途俱泯，一性怡然。此乃還源之要道也。時有小靜上座，與之齊名，人稱二靜。

後俱卒於本住。

常通

常通邢州人。姓李氏。入鵲山出家。從開元寺受戒。習經律。凡七年。忽慨然歎曰。摩騰入漢譯著斯文。達磨來梁復明何事。遂遠叅長沙岑和尚。岑問曰。何處人。曰。邢州人。岑曰。吾道不從彼來。曰。和尚還曾住此。無岑然之。乃客入室。後往洞山石霜而法無異。味咸通末。住宣州瑞聖院。大開法席。四方義學。一受鉗錘者。無不立成偉器。充啓中。羣盜並起。遂領徒衆至四明。居於雲竇。鬱然盛。

化天祐初示疾集衆焚香付囑竟合掌而逝

玄機

玄機瑞安人宿覺師女弟咸通間築庵大日山坐禪往
奉雪峯禪師師曰從何地來答曰大日山來師問日出
也未答曰日出時銘了雪峯言下契悟後住溫州淨光
寺倒立而化宿覺喟曰汝生也顛倒死也顛倒乃仆
後一夕大雷電愈不見尋之則在大日岩竇中因名其
岩曰機岩

五代

共六十二人

文喜

文喜嘉禾禦見人姓朱氏七歲出家戒律精嚴爲法中龍象往叅洪州仰山言下頓了心并嘗禮五臺忽見梵殊跨師子緣鼻耳文喜訶曰文殊自文殊文喜自文喜遂掌之文殊湧空曰苦熱連根苦甜瓜徹蒂甜脩行三劫却被老僧嫌後築室千頃山會黃巢之亂避地潯州值仁王院光啟三年錢王請住龍泉廢罷僧問如何是涅槃相文喜曰香烟盡處發問如何是自己喜默然僧用指喜曰青天蒙昧不向月邊飛光化二年示疾十

月二十七日夜子時告衆曰三界心盡卽是涅槃言訖
跏趺而逝遷塔於靈隱山西塢後宣城帥田頎叛縱丘
大掠發喜塔觀肉身不壞髮爪俱長武肅王異之遣禪
將邵志重封瘞焉

道愆

道愆永嘉人姓陳氏受具遊方得法雪峰閩中謂之小
愆布衲後徧歷諸方益資權智因訪曹山寂和尚問什
麼處來曰昨日離明水寂曰什麼時到明水曰和尚到
時到寂曰汝道我什麼時到曰適來猶記得寂曰如是

如是憇罷叅受止越州鏡清禪院。唱雪嶂之旨。學者奔
湊。錢王欲廣府中法會。命居天龍寺。始見憇歎曰。真道
人也。致禮勤厚。由是吳越盛於禪學。又創龍冊寺。延請
居之。僧問如何。是人無心。合道。憇曰。何不問道。無心合
人曰。如何。是道無心。合人。憇曰。白雲乍可來。青嶂明月
那教下。碧天晉天福二年八月示滅。黑白哀號。制服者
甚衆。茶毗於大慈山。獲舍利無筭。就龍母山之陽建塔。

師郁

師郁泉州人。自得雪峰心印。化緣盛於杭越之間。後居。

西興化度院大弘法席僧問如何是一塵。郁曰：九世剎那分。曰：如何會得法界。郁曰：法界在什麼處。問牛頭未見四祖時如何。曰：鳥獸俱迷。見後如何。曰：山深水冷。問維摩與文殊對談何事。郁曰：唯有門前鏡湖。水清風不改。舊時波。自是法音振。於遐邇。錢王欽其道德。奏紫衣。賜號曰悟真大師。

靈照

靈照高麗人也。萍游閩越。升雪峰之堂。冥符玄旨。一夕指半月問溥上座。那一半什麼處去也。溥曰：莫妄想。照

曰失却一片也。衆雖歎美而恬淡自持。初止婺州齊雲山。次居越州鏡清院。禪衆翕然。僧問菩提樹下度衆生。如何是菩提樹。照曰。大似苦練樹。曰。爲什麼是苦練樹。照曰。素作良馬。何勞鞭影。錢王建龍華寺。迎傳大士靈骨。道具貯焉。命照住持。晉天福中卒。塔於大慈山之陽。世壽七十有八。

令參

令參。湖州人也。自雪峰受記。止於明州翠岩。大張法席。止堂曰。今夏共諸人語論。試看翠岩眉毛還在麼。問。凡

有言何。盡是點污。如何是當要處。參曰。大眾笑汝。問。坦然不滯鋒銚時如何。參曰。大有人作此見解。曰。畢竟如何。參曰。坦然不滯鋒銚。錢王欽其道風。請居龍冊寺終焉。

宗靖

宗靖台州人。初參雪峰。密承宗印。罷參後。止於大通院。錢王請居龍興寺。演無上乘。黑白駢擁。僧問如何。是六通奇特之唱。靖曰。天下舉去。問如何。是和尚家風。靖曰。舉朝粥齋時。飯曰。更請和尚道。靖曰。老僧困。曰。畢竟作

慶生靖大笑而已。錢王特加禮重。署曰大通大師。

文偃

文偃嘉興人。少依兜率院得度。博通大小乘。棄之遊方。初至睦州。聞有老宿。飽參古寺。掩門織蒲屨養母。往謁之。方扣門。老宿推之曰。道道。偃驚不暇答。乃推出曰。秦時轆轤鑽。隨掩其扉。偃損右足。去謁雪峰。存存。方乘塊。垣爲衆說法。偃犯衆出。熟視曰。項上三百斤鐵枷。何不脫却。存曰。因甚。到與麼。偃以手自拭其目。趨去。存心異之。明日陞座。曰。南山有鼈鼻蛇。諸人出入好看。偃以拄。

杖擡出。又自驚慄。自是輩流改觀。又訪曹山章公。問如何是沙門行。章曰。弊常住苗稼者。曰。便與麼去時如何。章曰。汝還畜得麼。曰。學人畜得。章曰。汝作麼畜。曰。着衣喫飯。有甚什麼難。章曰。何不道披毛帶角。偃卽禮謝。造曹溪禮塔。訪靈樹敏公。遂爲第一座。俄還止雲門光泰寺。天下學者望風而至。偃辨悟廣大。箭鋒所對。徃徃出於游戲。其作偈句。尤不能測。嘗曰。上不見天下不見地。塞却咽喉。何處出氣。每顧見僧。卽曰。鑿喙而錄之者。曰。願鑿喙。德山密禪師。刪去願字。但曰。鑿喙。叢林目以爲。

抽顧頌漢乾祐二年坐化以全體葬之宋乾德元年雄
武軍節度推官阮紹莊夢偃以拂子招曰寄語秀華宮
使李托我在塔久可開塔乎托時奉使韶州監脩管諸
寺院因得紹莊之語奏聞奉聖旨同韶州牧梁廷鄂至
雲門山啟塔見偃顏貌如生髭髮盡長具表以聞有旨
李托迎至京師供養月餘送還山仍改爲大覺禪寺謚
大慈雲匡真弘明大師

師彙

師彙諸賢人初參雪峰未蒙許可後因國王請於清風

樓齋坐久舉目忽覩日光豁然頓曉卽說偈曰清風樓
上赴官齋此日平生眼豁開方知普通年遠事不從慈
頓路將來歸呈雪峰雪峰肯之僧問何如是佛身龜曰
汝問那箇佛身曰釋迦佛身龜曰舌覆三千界龜將示
寂集衆說偈曰眼光隨色盡耳識逐聲消還源無別旨
今日與明朝偈畢跣趺而逝號曰鑒真大師

子儀

子儀温州樂清人姓陳氏得法鼓山棲心天竺錢忠懿
王聆其道譽命開法於羅漢光福二道場海衆臻泰上

堂示衆曰久立大衆更待什麼不辭展拓却恐悞於禪
德轉迷歸路時寒珍重儀將下堂僧問下堂一句乞師
分付儀曰携履已歸西域去此山空有老猿啼問如何
脩行卽得與道相應儀曰高卷吟中箔濃煎睡後茶尋
回故山雍正三年示滅

虛受

虛受嘉禾禦兕人學通內外住大善寺講涅槃維摩二
經因憤謙雅等師釋崇福疏繁畧不中其猶以水濟水
終無必濟遂撰義評鈔十四卷受於涅槃辯而作畧仍

多岐義小遠之疏免爲青蠅之玷餘則法華百法唯識
各有別行義章一時稱爲義虎鎮武肅王於會稽開元
寺度戒命受充監壇選練吳會間行此職者自受始盡
同光乙酉示滅

可周

可周晉陵人姓傅氏出家建元志勤問學同衣勉之日
非其地樹之不生今豫章經謂之江論謂之海胡不徒
請業乎周遠草屨達彼遇雲表法師咸集竊法華慈惠
大疏日就月將幹運深趣旋自江西廻台越之國隨機

啟發尋住杭州龍興寺開流黑由衆恒有半子武肅
命於天寶堂夜爲冥司講經鬼神現形護衛武肅王
其神異愈爲鄭重齊中金如意一莖紫衣一襲加與
志通明大師

鴻楚

鴻楚字方外姓唐氏永嘉人生而符彩器度宏曠出家
越之龍宮寺推爲上座錢武肅王於龍興寺開度戒壇
召爲壇首因薦薦於梁賜紫衣師號固讓弗受終不
體自言涼德何稱法門命數之服詩人鄭說贈之以

有德上紫衣。開不着案頭金字坐。長看之句。楚神氣清。
真豐願。瞻腹目不邪視。願必超身。世俗之言不輕掉舌。
講法華經積五十許座。講堂中忽生蓮花。重踏複葉。香
氣芬琴。長與中無疾而化。

鴻莒

鴻莒鴻楚之兄。同捨俗龍宮。以誦法華經得度。復往長
安學律。強記多聞。爲流輩所推。歸鄉請受。二衆依止。晝
夜經行。鬼神扶衛。或爲然燭。或代添香。皆鬼物也。時水
滂。荐饑。有羣劫人。其室苦待之如賓。朝作食飼之。日徐

去深山無人汝曹爲天災所困耳羣却拜謝而去弟
子中有欲襲其不備者苜曰非我弟子我舍此永入深
山矣長典中踰跌坐逝至三更手敲龕門者三弟子號
泣敬視苜云急與吾換新衣緣佛土諸上善人嫌吾服
章不淨易畢便終七日頂暖時院中有巨大三獬猛善
噬遷塔日隨人馴狎時山中麀鹿飛鳥相叅犬無擊搏
獸不驚奔奔後有虎逸墳號叫其精能感物如此

全消

全消越人也。攝秘苑地。芬然杜若。得密藏禁咒之術。能

厥勅鬼神時有市縉王家之婦患邪氣言語任倒或啼
或笑如是數歲召請治之乃縛草人長尺餘衣以五絲
置之於壇禁咒之良久婦人乞命遂諾之曰頃歲春日
於禹祠前相附耳如師不見殺卽放之遠去清乃取一
結以鞭驅芻靈入其中而嘓嘓有聲緘銛口以六一泥
朱書符印之瘞於桑林之下戒家人勿動婦人病差却
後五年值劉漢宏與董昌隔江相持越城陷人謂此爲
害藏爭共發之揮鋤踏破見一鴉鬪然飛出立於桑杪
而伴人語曰今得見日光矣時清公已卒也

并此

并此四明奉化人形裁屣屨威頓繡腹言語無恒寢卧
隨處常以杖荷一布袋凡供身之具盡貯袋中入市肆
見物則乞號長汀子人稱爲布袋和尚嘗卧雪中雪不
沾衣示人禍福輒應天將雨卽着濕草履途中驟行遇
充陽卽曳高齒木屐市橋上豎膝而眠有一僧過師前
師拊其背僧回顧師曰乞我一文僧曰道得卽與一文
師乃放下布袋叉手而立白鹿和尚問如何是佛法大
意師放下布袋叉手又問莫更有向上事否師乃負之

爾去梁貞明三年三月於岳林寺東廊下端坐誓存正
說偈曰彌勒真彌勒分身千百億時時示世人世人自
不識偈畢安然而逝

道育

道育新羅國人景福中來遊天台掛錫於平田精舍恒
持一鉢受食食訖畧經行而常坐脇不着席日中酒掃
殿廊料理常住得殘羹剩食雖色惡氣變收貯於器齋
時自食與僧供瀉浴煎茶遇薪木中蠶蠶乃置之遠地
所服皆大布衲其重難荷每夏首以至秋末日暎即曝

靈骨背歷膈云何蚊蚋蝟蛭并諸穢蟲螫嚙至於血癩
丹地未嘗色變行之四十餘年意無怠廢凡對晤賓主
止云伊伊二字雖不通華語而解識人意了無差脫瑤
髮垂白眉長數寸身出紺赤色舍利有如珠顆人或求
之隨意皆獲至晉天福中坐脫揣其年殆八十餘也或
云凡供養羅漢大齋日育則不食人疑其爲應真云

宗季

宗季錢塘人姓俞氏孤僻高邁羅隱聞丘方遠賞歎其
才請講諸論弟子八百餘人季眇二目神光引行儼然

古師之述，作日可俯而窺也。遂詮註經文五六種，俱妙得無言之旨。一時人稱之曰季公筆下有蓮。

皓端

皓端，嘉禾人，姓張氏，九歲出家。師授經法，如溫業。後聽希覺律師講律，入耳通明。義門無塵，後依玄獨禪師，子一心三觀，遂撰金光明經隨文釋十餘卷。由是兩宗法要一徑路通。武肅王召於羅漢院宣導，賜紫衣，署崇靖大師。不出山門者二十餘年，身無長衣，口無豐味，居不處，用坐惟一榻。建隆二年卒。著述傳錄記讚七十許卷。

學得其門者八百餘人。端性耿介，言無苟且。一坐之閒，不談世論。惟以佛法爲己任。時稱傳翼象王。

從禮

從禮襄陽人。出家登具，精持律範。游天台、山、掛錫、平田、精舍，推爲寺之上座。持重安祥，喜愠不形於色。惟行慈，悉時時示衆曰：波羅提木叉是我大師須知。出家非戒，則若猿獲之脫鎖焉。每所行持切於布薩戒護之精通。於冥感武肅王聞之，召入內道場。身惟一納，通夜不寐。同光三年入滅，報齡七十九。僧臘五十二。

桂琛

桂琛常山人。幼卓越。絕酒葷。爲萬壽無相律師侍者。年二十。卽剃落。爲大僧。初習毘尼。棄去。謁雪峰。存不大獲。明。又事玄沙。遂臻其奧。慧珠齊名。號二大士。琛能秘重大法。痛自韜晦。然叢林指目。以爲雪峰法道之所寄也。初住漳州石山。十餘年。遷止羅漢。破垣敗簣。人不堪。慈愛非忘身。爲法者。不至一日。有僧來報保福遷化也。琛曰。保福遷化。地藏入塔。曠琛住地。藏乃石山也。於時學者莫測其旨。琛閱之。爲作明道偈。有曰。至道淵曠。勿

以言宣以言宣者埋沒宗旨非意陳無以見聞見聞
不脫如水中月於此不期翻成剎法後唐天成三年秋
忽示微疾沐浴安坐而化

文益

文益餘杭人初從關元希覺律師受具足戒習毘尼王
丈章覺大奇之俄辭去謁長慶菟道者無所契悟與善
脩洪邁自漳州抵湖外將發而雨溪壯不可渡頓城隍
有古寺休於門下雨不止入堂有老僧坐地爐見益解
曰此行何之曰行脚去又問如何是行脚事對曰不知

曰不知最親切益疑之三人者附火舉摩公語至天地
與我同根處老僧又曰山河大地與自己是同是別益
曰同老僧樹兩指熟視曰兩箇卽起去益大驚周行處
庶讀寺頌曰石山地藏顧語脩葺曰此老琛禪師也意
欲留此業已成行琛送之門問曰上座尋常說三界惟
心乃指庭下石曰此石在心内在心外益曰在心内琛
笑曰行脚人著甚來由安塊石在心頭耶益無以對乃
俱求決擇尋皆出世益住臨川崇壽寺諸方叢林咸遵
道化益謂機願物斤滯磨昏應病與藥隨根悟入者不

可勝計。嘗指竹問僧曰：「遇見麼？」曰：「見。」益曰：「竹來。」眼裏眼到竹邊。曰：「物一不與麼？」益曰：「死急作麼？」有偈曰：「三界惟心，萬法惟識，惟識惟心，眼聲耳色，色不到耳，聲何觸眼，眼色耳聲萬法成辦，萬法匪緣，豈親如幻。」大地山河，誰堅誰變。周顛德五年七月示疾，剃髮沐浴，辭衆訖，跏趺而化。顏貌久而如生，闍維收舍利建塔，謚曰：「大法眼禪師。」

法瓊

法瓊未詳其氏族，得法文益禪師門下，推爲龍象。住杭

州奉先寺開筵說法機鋒迅利四方義學鮮有當其詩
難者清涼法嗣於斯爲盛僧問釋迦出世天雨四華地
盤六動未審和尚今日有何祥瑞瓌曰大衆盡見曰法
王法如是也瓌曰人王見在問淨慧寶印和尚親傳今
日一會當付何人瓌曰誰人無分曰恁麼卽雷音普震
無邊刹也瓌曰也須善聽時拈普照禪師

惠明

惠明錢塘人姓蔣氏研覈三學漸入精微後禮文益禪
師深符正理惜先所宗不免生滅情見遂隱天台白洑

立草寮有雪峰長慶之風四友參叩者遺其語責無不
權鋒法音大板時漢南國王錢氏造大報恩寺請明住
持假號圓通普照禪師

德韶

德韶龍泉人年十五有梵僧見之拊其背曰汝當出家
塵中無置汝所也遂薙落受滿分戒於信州開元寺道
禪牙遁禪師問雄雄之爲因作麼親近不得遁曰如火
與火曰忽遇水來又作麼生遁曰汝不會我語又問天
不蓋地不載此理如何遁曰合如是韶惘然往見疎山

矮師叔問百市千重是何人境界矮曰左搓麻繩縛着
子曰不落古今請師說矮曰不說曰爲什麼不說矮曰
箇中不辨有無詔曰師今善說矮駭之久而辭去所至
少留見知識五十四人括磨搜剝窮極隱秘不知端倪
心志俱疲至曹山但隨衆而已無所咨參有僧問法眼
禪師曰十二時中如何得頓息萬緣去法眼曰空與汝
爲緣耶色與汝爲緣耶言空爲緣則空本無緣言色爲
緣則色心不二日用果何物爲汝緣乎詔聞悚然異之
又有問者曰如何是曹溪一滴水法眼曰是曹溪一滴

木於是詔大悟於座下。平生凝滯。渙若氷釋。感涕浩沔。
法眼曰。汝當大宏吾宗。行矣。無自滯。於是遊天台。觀知
頤禪師遺蹟。如故居。蹉然有終焉之志。初寓止白沙。吳
越忠懿王。迎至錢塘。尊事之。以爲國師。詔說法簡要。撥
去枝蔓。嘗曰。眼中無色。識色中無眼。識眼識二俱空。佛
能令見色。是眼則不能。自見其本體。若不能自見。云何
見餘物。古聖方便。皆爲說破。若於此明得。寂靜法不寂。
靜法也。收盡明得。遠離法不遠。離法亦收盡。未來現在。
亦無遺餘。名一法界。何有遮障。各自自信。取憎義寂。願

曰智者之教年祀寢遠必多散失唯新羅國有善本願藉慈力致之使再開東土人天眼目詔以聞忠懿王遣使航海傳寫以還宋開寶四年華頂西峰忽摧六月有星隕於峰頂林木皆白未幾集衆告別而化號詔國師

志逢

志逢錢塘人嗣法詔國師神人勝席請勿棄滌鉢之水自此盡飲之吳越國王欽其道風命任功臣院玄侶輻輳開寶初忠懿王創普門精舍三請住持再楊宗要卽普門第一世也尋歸老五雲每携大扇乞錢買肉飼虎

虎迎載還山。雍熙初示滅塔曰寶峰常照之塔。

慧明

慧明杭州人。姓蔣氏。稚齒出家。壯遊閩越。歷探諸會。莫契本心。後至臨川。謁淨慧禪師。師資道合。尋廻鄞水。庵居大梅時。吳越部內禪學雖盛。而以玄沙正宗。置之闕外。明欲整而導之。一日有二禪客到。明問曰。上座離什麼處。曰。都城。明曰。上座離都城。到此山。則都城。少上座。此山。剎上座。剎則心外有法。少則心法不周。說得道理。卽住。不會卽去。禪客不能對。尋遷於天台山。卓庵白沙。

時有朋彥上座博學強記來訪明敏論宗乘明日言多去道遠矣今有事借問只如從上諸聖及諸先德還有不悟者也無朋彥曰若是諸聖先德豈有不悟者哉明日一人發真歸源十方虛空悉皆消殞今天台巖然如何得消殞去朋彥不知所措自是他宗汎學來者皆爲服膺漢乾祐中吳越忠懿王命住資崇院署圓通普照禪師

永安

永安永嘉人姓翁氏初依彙征隨師入國忠懿王命征

爲僧正安心不喜擬潛往閩川投訪禪會屬路岐艱阻
遂回天台山結茅而止尋遇韶國師開示頓悟本心忠
懿王欽其名命住越州清泰院次召居上寺署正覺空
慧禪師僧問如何是西來意安曰汝過這邊立僧移步
安曰會麼曰不會安示偈曰汝問西來意且過這邊立
昨夜三更時雨打虛空濕電影豁然明不似蚰蜒急尋
示疾告衆爲別有僧問昔日如來正法迦葉親傳未審
和尚玄風百年後如何體會安曰汝什麼處見迦葉來
曰恁麼卽信受奉行不忘斯旨也安曰佛法不是這箇

道理言訖坐亡。既闍維而形相不壞。柔嫩如紅蓮葉。今藏於普賢道場中。安以華嚴李長者釋論旨趣宏奧。因與經合成百二十卷。雜印徧行天下。

清昱

清昱永嘉人。得法於天台國師。忠懿王召入問道。建奉先寺大佛寶閣。延昱居之。演暢玄旨。暑圍通妙覺禪師。僧問如何是西來意。昱曰。高聲舉似大眾。開寶中示滅。

願濟

願濟錢塘人。姓江氏。初依水心寺紹巖禪師出家。受具。

習智者教精研止觀圓融行門復叅天台國師發明玄
奧乃住雁蕩山吳越王新建光慶寺請濟住持仍於禪
衆中訪求名行三百人同居新寺僧問夜月舒光爲什
麼碧潭無影濟曰作家弄影漢其僧從東過西立濟曰
不惟弄影兼乃怖頭未幾因辭入山太平興國中示滅

道潛

道潛河中府人姓武氏初請臨川淨慧禪師一見異之
便容入室一日淨慧問曰子於叅請外看什麼經曰看
華嚴經淨慧曰總別同異成壞六相是何門攝屬潛對

曰。文在十地品中。據理則世出世間一切法皆具六相。曰空。還具六相也。無。潛。蒙。然。無。對。淨。慧。曰。子却問吾。潛。乃問曰。空。還具六相也。無。淨。慧。曰。空。潛。於是開悟。踊躍。禮。謝。淨。慧。曰。子作麼生會。潛。曰。空。淨。慧。然之。異日因四。眾。士。女。入。院。淨。慧。忽。問。潛。曰。律。中。道。隔。壁。聞。釵。釧。聲。卽。名。破。戒。兄。觀。金。銀。合。雜。朱。紫。駢。闐。是。破。戒。不。是。破。戒。潛。曰。好。箇。入。路。淨。慧。曰。子向後有五百義徒。而爲王侯所。重。在。潛。尋。禮。辭。駐。錫。衢。州。古。寺。忠。懿。王。命。入。府。受。菩。薩。戒。著。慈。化。定。慧。禪。師。建。大。伽。藍。號。慧。日。永。明。請。潛。居。之。

滑日欲請塔下羅漢銅像過新寺供奉王曰善哉予昨夜夢十六尊者乞隨禪師入寺何照應之若是仍於師號中加應真二字

清聳

清聳福清人初參淨慧一日淨慧指雨謂聳曰滴滴落上座眼裏聳初不喻後閱華嚴經感悟卽承印可迺止明州四明山卓錫忠懿王命於臨安兩處開法後居靈隱上寺署了悟禪師上堂示衆曰十方諸佛常在汝前還見麼若言見將心見將眼見所以道一切法不生一

切法不滅若能如是解諸佛常現前。僧問如何是摩訶
般若。聳曰。雪落茫茫。僧無語。聳曰。會麼。曰。不會。聳遂有
頌曰。摩訶般若。若非取非捨。若人不貪風寒雪下。

本先

本先永嘉人。兒稚不甘處俗。去依集慶院爲沙彌。詣天
台韶國師。服勤十年。住瑞鹿寺。足不履城邑。手不度財
帛。不設卧具。不衣繭絲。卯齋終日。宴坐申旦。誨誡門弟
子。踰三十年。其志彌厲。謂衆曰。吾初見天台。言下便薦
然。千日之內。四威儀之中。似物碍膺。如響同處。一日忽

然猛省譬如洗面。摸着鼻孔。又曰。華嚴稱佛身充滿於法界。是真箇也。無且如佛身既已充滿。法界菩薩界。緣覺聲聞界。人天脩羅界。餓鬼畜生地獄界。應無處躡。如是理論。大是聲訛。尋常說諸法所生。惟心所現。且道。卽今五根所對六境。與汝是同是別。同則何不作一塊。別則如何說。惟是一心。大須着精彩。佛法不是等閒。大中祥符元年二月。謂門弟子如晝曰。爲我造箇卵塔。塔成。我行矣。八月望日。畢工。道俗造山。惟恐其後。是日如平。居至午時。安坐。方丈手結寶印。謂如晝曰。古人曰。騎虎

頭撩虎尾中央事作麼生如畫曰也祇是如畫先日汝問我畫乃問騎虎頭撩虎尾中央事作麼生先日我也弄不出於是奄然開一目微視而寂所著有竹林集十卷

宗一

宗一福州候官人自西峰受業叅天台得旨國師授之法衣時有僧問曰大庾嶺頭提不起如何傳授於師一拈起衣曰有人敢道天台得麼吳越忠懿王命闡法住持玄徒臻萃上堂示衆曰達磨大師云吾法三千年後

不移絲髮山僧今日不移達磨絲髮先達之者共相證
明若未達者不移絲髮僧問洪鐘韻絕大衆臨筵祖意
西來請師提唱一日洪鐘韻絕大衆臨筵後遷住於怡
山長慶末幾卒於所住

緣德

緣德臨安人聞事東山勤公剃髮受具神觀靖深中空
外夷以精進爲佛事徧遊諸方爛熳叢席至襄州清澗
講進禪師棲遲不去久之江南李氏有國德混跡南岳
之上藍寺楚國宋齊丘至遊經堂衆僧趨迎德闕徑自

若齊丘旁立睨之。德不甚顧。荅齊丘問上座看甚經。德舉示之。齊丘異焉。力請住舍利幽谷。雙嶺諸刹。德無所事。去留所至。頽然默坐。而學徒自成規矩。平生着一衲。褶以繩貫其褶處。夜申其褶。以當被。後主聞其名。延入禁中。問佛法大意。勅建寺於廬山之陰。石耳峰之下。開基日。得金像觀世音於土中。賜名圓通。太平興國二年。升堂日。脫離世緣。乃在今日。以衲衣并所着木屐留付山中。使門人累青石爲塔。日他日塔作紅色。吾再至也。乃化。謚曰道濟禪師。

圓遠

圓遠慈路人，戒行清苦定明慧，融結庵菴菴湖，講演經教，法鼓之聲與潮音俱遠，及示寂舌生青蓮花，芬芳異常，七日不萎，龕其全身，塔於庵左。

寶達

寶達羅刹利法師，晦跡靈隱山，善持秘呪，晉天福時，浙江水溢，激射湖山，寶達誦呪止之，夜有偉人，朱衣黑冠，謂達曰：伍員復求雪耻爾，感師慈心爲物，員聞命矣，自是潮擊西興而杭州東岸沙漲數里，至今靈隱有印沙。

林照佛鑑皆其遺跡也。

蔣居士

居士名宗霸，姓蔣氏，奉化人。爲人慈善溫謹，口誦摩訶
經，人皆稱之曰蔣摩訶。與岳林布袋和尚爲道伴。一日
同浴長汀，摩訶視布袋背上有目，布袋曰：吾爲汝所窺，
當去矣。吾以布袋贈汝，當代吾行化。布袋歸岳林坐脫，
葬封山後數年矣。越帥遣一卒過蜀，忽遇布袋道中，卒
舊遊四明，嘗識之。乃語卒曰：爲吾謝摩訶，相見已近，願
自愛。卒歸至岳林，以語摩訶。摩訶曰：吾知之矣。一日遣

城編別親知而逝

得倫

得倫永嘉崇明律院祖師也嘗以錐刀自隨入郭必由
北市以歸未嘗南顧或問錐刀何用荅曰打鼓進問何
不慈悲荅云慈悲不少有丐其錐刀者則歎曰汝無錐
刀從我覓邪乃以與之且曰墮地則天下太平未幾錐
氏納土人謂錐刀墮地之驗世稱錐刀尊者

延壽

延壽餘杭人自其兒稚知敬佛乘日誦法華經羣羊晚

總年二十八爲華亭鎮將嘗乘舟歸錢塘見漁船萬尾
載載惻然意折以錢易之放於江裂縫掖投永明岑禪
師剃髮受具衣不繒纈食不重味持頭陀行嘗習定天
柱峰之下尺鷁巢於衣襖時韶國師眼目世間北面而
師事之韶曰汝於元帥有緣他日大作佛事惜吾不及
見耳遂振錫金華大柱峰禪觀中見觀音以甘露灌其
口遂獲辯才後演法於雪竇建隆元年忠懿王移之於
靈隱新寺爲第一世明年又移之於永明寺爲第二世
日課一百八事未嘗暫廢學者參問指心爲宗以悟爲

則弟子一千七百人時號慈氏下生嘗以一代時教流傳此上不見大全而天台賢首慈恩性相三宗又互相矛盾乃爲重閣館三宗知法比丘更相設難至波險處以心宗指要折中之因集方等秘經六十部西天此土聖賢之語三百家以佐三宗之義爲一百卷號宗鏡錄天下學者傳誦焉聲被異國高麗遣僧航海問道國王授書敕門弟子之禮奉金絲織成伽梨水晶數珠金澡瓶等并僧三十六人親承印記相繼歸本國各化一方

開寶八年十二月示疾焚香禱眾跏趺而化塔於大慈

此境永明智覺禪師

悟恩

悟恩嘗熟人姓路氏住慈光院洞明旨教不離衣鉢不蓄貨財不近豪族弟子有晚飲暮韻湯者卽時擯出後觀白光出於井中乃絕粒念佛面西而逝同院俱闢空中有絲竹鈴鐸聲久而始寂

朋彥

朋彥永嘉人姓秦氏出家開元寺初叅寶資和尚歸隱天台之室悟正法眼自此隨緣闢法始蘇節卽錢仁奉

禮重創長壽院請轉法輪僧問如何是徑直之言彦曰
千透萬曲曰恁麼卽無不總是也彦曰是何言歟問如
何是道彦曰販法不易建隆二年示寂謚廣法大師

行脩

行脩字法真年十三進具遍叅諸方得法於雪峰存禪
師生有異相耳長九寸上過於頂下可結頤號長耳和
尚自天台寒巖來遊錢塘吳越王待以賓禮住法相院
每人城人爭歡喜望施士女每牽其耳結於頤下脩唯
默笑或勸人曰但一作福能遮百醜永明語錢王長耳

和尚定光佛也。脩聞之曰：彌陀饒舌，遂結跏而逝。弟子
深其真身，祀之。至今雙目爛，若有光。

文遂

文遂，錢塘人。兒稚出家，資性穎悟，博通內外典，工於文
筆。嘗註楞嚴經，自以爲深得常住真心之旨。一日，往謁
法眼禪師，詰之曰：八還中明還日輪，日還什麼？文遂惛
然不覺汗下。明日焚其註，歎曰：幾被他悞了一生。依法
眼得忘知解。李國主錫號雷音大師。

表澄

義澄富陽人年十二投龍門德詮出家周顯德中年幾六十始祝髮脩頭陀行訪道四方宋咸平初住信州玉山洞巖縣令章得象異之以問真宗召對深辨無生之理賜號明慧大師後還至錢塘以苦熱得疾作偈曰本來無質豈有去住要識真歸南來北去端坐而逝年一百八十有二

幼璋

幼璋唐相國夏侯孜之猶子七歲依慧遠禪師剃髮又十年受具足戒年二十五游方見騰騰和尚於江陵騰

騰喟曰汝往天台尋靜而居遇安卽止已而又見憨憨和尚憨憨拊之曰汝却後四十年有巾子山下菩薩王於江南于時我法乃昌遂去璋至天台山於靜安鄉建福唐院已符騰騰之言又住隱龍院中和四年浙東飢疫璋於溫台明三郡收葬遺骸數千時號悲增大士天祐三年錢尚父遣使賫衣服香藥入山致請至府署志德大師建瑞龍寺以居之禪者雲趨而集又葬憨憨之語天成一年四月忽從尚父乞墳尚父笑曰師便爾乎卽命使擇地建塔塔畢璋往辭尚父喟以護法卹民還

安坐而化，詔改天台龍隱爲隱迹云。

從瓌

從瓌福州人，姓陳氏，少出家石梯，初住稱心，後卓錫菴之報慈院，開筵說法，學者多得。所未有一僧問：古人有言，今人看古教，未免心中鬧，欲免心中鬧，應須看古教，如何是古教？瓌曰：如是我聞。僧曰：如何是心中鬧？瓌曰：那畔雀兒聲，至開寶初，沐浴易衣，告門人付囑訖，右脇而逝。

紹藏雍州人，姓劉氏，與天台部國師同受記於臨川。後住西湖水心寺，誦法華經二萬部，以安養爲期。感陸地生蓮，舉城瞻矚，巖峴奉而蹂之。吳越王命巖開法，署了空大智常照禪師。開寶四年七月，示疾，謂門弟子曰：「諸行無常，卽常住相，言訖，跏趺而逝。」

遇安

遇安，錢塘人，姓沈氏。卅歲出家，華頂依年受具，尋遇韶國師，密辨宗旨。吳越王命住傾心院，次居天龍。安僖王請於光慶寺攝衆，署善智禪師。僧問無價寶珠，請師分

付安曰善能吐露曰恁麼卽人人共足也安曰珠在什麼處僧乃禮并安曰也是虛言安有時示衆曰欲識曹溪旨雲飛前四面山分明真實箇不用別追攀太平興國三年隨寶塔見於洪福殿賜紫衣號明智大師尋還故山示衆

師簡

師簡莫知所自初憇天台巖龍院時大旱有龍卧巖間簡以杖叩之曰時方需雨而爾何得縱卧獨不畏墮落乎龍忽天矯擎青天飛去隨即霽霽簡善書求者多以

悉酒易之。德詔常語人曰：此簡羅漢也。後示寂，錄塔。骨天台山下。

游道者

游道者名善，幽松陽人。受業於遂昌之重光院，與人無忤犯之，亦未嘗失色。每晨摘野蔬，拾腐薪煮之，不用常任寸薪尺芻。一日跌坐而化。院僧納之棺，坐如故。三總之皆坐然。時忠懿王聞之，使使漆其真身，建殿祀之。屢有所禱，至今響答云。

智勤

智勤不知何許人住天台山紫凝普聞寺手不能書而
心通了義嘗有頌示衆曰今年五十五脚未蹋寸土山
河是眼睛大海是我肚或問禪師世尊還解書也無兼
日天下人知至淳化初示疾命侍僧開浴浴訖垂試檢
衆安坐而逝塔於本山三年後門人遷塔發龕觀師全身
身不散容儀儼若髭髮仍長迎入新塔

友蟾

友蟾錢塘人得度於朗瞻院聞天台國師盛化遠趨函
丈密印心地初住雲居普賢僧侶雲集忠懿王嘗慈

禪師遷止上寺。衆盈五百。僧問鼓聲纔動。大眾雲霧。何
上宗乘。請師舉唱。蟾曰。虧汝什麼。曰。恁麼。卽人人盡
恩去也。蟾曰。莫亂道。淳化初。示滅。歸骨於本山。

全肯

全肯婺州人。出家智者寺。初參天台。天台問汝名什麼。
曰。全肯。天台曰。肯箇什麼。肯乃禮拜。住後有僧問有人
不肯。師還甘也。無肯曰。若人問我。卽向伊道。太平興國中。
無疾而逝。弟子紹忠。繼世說法。識者以爲不墮祖風。

曉榮

曉榮溫州人。姓鄧氏。幼依瑞鹿寺出家。登戒。往參天台國師。密承心印。初居淨福。後遷龍冊。兩處開筵。大鳴法鼓。僧問如何。是般若大神珠。榮曰。般若大神珠。分形萬億。軀塵塵。彰妙體。刹刹盡。毘盧問。日用事如何。榮曰。一會周沙界。日用萬般通。湛然常寂滅。常轉自家風。歸寂於秀州淨土院。世壽七十一。齋臘五十六。

慶祥

慶祥餘杭人。姓沈氏。身長七尺餘。辯才冠衆。多聞強記。天台門下。推爲傑出。柱杭州九曲觀音院。隨機說法。備

問險惡道中，以何爲津梁。祥曰：以此爲津梁。曰：如何是此祥。曰：築着汝鼻孔。

行明

行明，杭州于氏子，出家雪竇，從智覺禪師披剃。及智覺遷住永明，法化彌盛。明自天台受記，回翼贊永明海衆。欽仰忠懿王建六和寺，延請住持。二處開延法雨，霑於四部。僧問：如何是開化門中流出方便。明曰：日日潮音。兩度問：如何是無盡燈。明曰：謝闍黎照燭。太宗皇帝賜紫衣，號曰傳法大師。

遇安

遇安福州人得法天台嘗閱首楞嚴了義時謂之安楞嚴將示涅槃法嗣蓋仁侍坐安乃說偈曰不是嶺頭携得事豈從鷄足付將來自古聖賢皆若此非吾今日爲君裁既說偈付囑乃命香湯浴身易衣安坐令昇棺至室良久自行入棺經三日門人相與啟棺觀安右脇吉祥而卧四衆哀慟安乃再起上堂說法及訶責垂誡曰此度更啟吾棺者非吾之子也言訖復入棺長往

遇孫

遇臻越州人姓楊氏出家大善年滿登具預天台之室
親承印記晏居齊雲學徒奔湊僧問如何是無縫塔臻
曰五六尺其僧禮拜臻曰塔倒也問圓明了知爲什麼
不因心念臻曰圓明了知曰何異心念臻曰汝喚什麼
作心念臻於秋夕間坐偶成頌曰秋庭肅肅風颼颼寒
星列空瞻魄高指頤靜坐神不勞鳥窠無蒂拈布毛其
諸歌頌皆觸事而作三百餘首流行禪唱至道中卒於
所住

義寂

義寂字常照。姓胡氏。温州永嘉人。既通律義。復精止觀。其所易解。猶河南一編。照也。先是天台教迹燬於兵燹。零編斷簡。本朽枝摧。寂思鳩集。適金華古藏中得淨谷一疏而已。乃告詔國師。囑人泛舟日本。購獲僅足。出是書。壁復完。微寂此宗學者。幾握半珠。以爲家寶。錢忠懿王累請開講。私署淨光大師。

王羅漢

王羅漢者。不測之僧也。住明州乾符寺。酷嗜羶肉。出言若風。狂後亦多驗。嘗懸衣有盜者。將欲舉之。俄頓作騰。

有物人就之乞終無吝色開寶六月初忽坐終三日經漆布之忽聞兩頰間鳴咤聲皆云漬爛夜寄夢與數人曰布漆我昏悶如何開焉明日召漆工剝起肉色紅白有圓粒舍利墮落收而供養至今肉身存乎本寺漢南國主錢氏私易名爲密脩神化尊者

一行瑫

行瑫姓陳氏湖州長城人少出家誦法華經月未五辰而畢軸年登受具從金華智新傳南山律鈔弭節服膺流輩推揖常至食時以不齮之米雜菜茹投小鐺中叅

煮而食此外斷無重味義解之心理焚破木都無難色
寺往會稽樂若耶山水遂置看經道場於寺之西北隅
構樓閣堂宇蔚成別院披閱大藏旁探經論慨其郭遂
音義疎略慧琳音義不傳遂述大藏經音疏五百許卷
大行於世周顯德三年終於所住報齡六十二法臘四
十四

彥求

彥求籍雲人姓葉氏納戒後造景霄律席入毘尼秘藏
復悟杳婆羅漢反求堅固法乃游閩嶺得長禪師心訣

回住丹丘之六通院。道望惟馨，與申椒菌桂爭其芬烈也。漢南國王欽其高行，命居功臣院。聚徒開演，求好營衆事，務必身先。惟以利人爲急，受施必歸常住。時屬度戒，四方雲聚，日供數千僧食，未告匱計其所飯。前後不下數億云。建隆中卒於所住。

浙名賢外錄卷之五終

久云五

五十一